



四
佳
集
四

詩

卷八

~ 16
2415
4



和
2415
18-4




四位詩集卷之八

第七

詩類

日休連日枉辱佳篇僕才窘閣筆者有日今
復用別韻見寄奉翫數四喜其巧速聊復賡
和但詞語拙蕪不無雷門布鼓之譏伏冀斤
正見教六首

功名踰分夢耶非擢拔深蒙聖主知北海釀成千
日酒南山齊獻萬年卮詞人已撰康衢頌國史須
編大雅詩接武夔龍能黼黻小臣愧乏補毫絲
一善何曾救百非居然不欲掩人知堪憐涸鮒游
車轍早怯懸蛇落酒卮隨緒欲尋韓子學餘芳曾
丐杜陵詩分明方寸無塵滓鏡裏新驚鬢似絲



晚矣吾今悟昨非高懷落落許誰知欲求大藥須
金鼎時愛醇醪滿玉卮夏葛冬裘聊卒歲春花秋
月盡供詩前身杜甫窮妻子更有何人乞一絲
一罇濁酒忘是非餘外紛紛都不知醉似畢郎猶
盜甕壯如樊將敢辭卮百年豪氣凌雲賦萬古文
章吐鳳詩世事老衰尤可厭年來始信墨悲絲
世事紛紛妄是非非魚誰復得魚知生涯落托三
間屋歲月消磨幾酒卮劉毅家貧工戲擲樂天老
去酷耽詩悠悠空費江南夢一艇清風裊釣絲
人情是是與非非我自昏慵百不知敢望熱官容
冷語從教淺量倒深卮容顏矍鑠非綠老心事蹉
跎正坐詩獨倚南窻人不到半簾斜日雨絲絲

用前韻寄日休求和五首

病日相攻事日非魯然世故耳無知閑餘苦憶山
中藥醉後頻傾月下卮紅幙碧幢那解夢綠純金
鑱謾題詩北窻高枕涼如水時有清風送一絲
故舊年來大半非斯文邂逅少相知白頭笑我勞
鈇槩青眼逢君舉酒卮退之憶共城南句白也相
思渭北詩流水高山音寂寞鸞膠直擬續琴絲
浮名擾擾是還非身世蹉跎只自知後死劉伶應
有鍾生前太白可無卮玄花翳眼都緣病白雪潭
頭不為詩憶昔江湖行樂處盤中銀鱸細於絲
冷語庸姿世所非雅懷踈蕩只君知香生蟹眼茶
煎鼎光動鵝黃酒滿卮鄭老虛傳三絕筆張衡莫

作四愁詩百年自可商量過世事紛如似理絲
三十九年吾已非人情世態寧得知百憂并集似
焦釜萬事健忘如漏卮俗體何須右軍字苦吟不
學東野詩嗟哉此日足可惜皺盡紅顏頭欲絲

次日休陪高陽左相遊西湖韻

十頃西湖鏡面寒上公登眺倚闌干嘉賓滿座神
仙會勝日開筵景物閑雅興晉公思綠野高懷謝
傳向東山風流文彩當時勝都在昇平氣象間
我笑廣文學士寒一生詩酒外非干老曾不減唯
豪宕醉或無何似等閑狂謔自信歌烏帽起舞從
教倒玉山日暮扶歸天正雪不知身在畫圖間
簾幙沉沉特地寒纖塵一點不相干賞心羨景思

難並勝友嘉賓得自閑行樂也應追赤壁風流亦
不減香山人生得意寧過此氣象春風四座間
登臨膚粟已生寒咫尺雲霄直上千野柳江梅俱
動色滄波白鳥儘長閑綺席春風開北海珠簾暮
雨捲西山相君愛客何曾比高義當求簡策間
濃暖春風欲放寒何妨登眺此闌干到頭萬事不
如醉屈指一生無過閑擊缶自知生耳熱騎驢不
覺聳肩山若為倩得丹青手畫出風流一幅間

又次日休陪左相遊西湖韻

鏡湖曾勅賜傑閣倚雲深相老金樽興詞入白雪
吟江山千古地會合百年心記憶闌珊處霏微薄
暮陰

漢水漲初綠江樓春未深
明時多暇日長醉勝醒
吟人世蹉跎事交親
邂逅心清懽難袞袞
遮莫日

西陰

危樓千尺上春水半蒿深
纔罷憑闌興俄成倚棹
吟江聲醒客醉山色可
入心有約重遊日丁寧
綠

滿陰

龍山真勝地麻浦最清深
好是江頭醉元非澤畔
吟香醪浮盞面銀縷落
盤心白雪如催興飛飛
晚

更陰

吾道何曾喪斯文骨肉深
序追桃李會詩勝漢陂
吟滿目皆春事回頭足
賞心期遊宜秉燭不必
管

晴陰

文章今捨匠酒量海深深
半醉復盡醉長吟時短
吟看君雙白鬢知我一
丹心機事都消盡終然
似漢陰

再和前韻

一生迂拙且貧寒偃蹇然
非志學干高帽蹇驢從
淺落佳山勝水愛寬閑
詩寒酷似孟東野吟苦
多慙陳後山聞說西湖
真勝地不妨下客坐中
間病餘瘦骨怯春寒官
夢羈愁苦逼干人世幾
回入事迫此身應與此
心閑烏帽從今欺白髮
紅塵自古隔青山誰能
挽我江南興已有新詩
滿袖間詩書不負腐儒
寒遠道何曾望譽干莫
學宗元文乞巧直從潘
岳賦居閑輕舟短棹半
蒿水布韞芒

鞋千疊山何日君恩皆報了暮年身世寄田間
惻惻春風陣陣寒夜深星斗正闌干茶甌藥鼎病
初定紙帳油燈身正閑細說疎才孔北海人言直
道真西山此心耿耿憑誰語不愧乾坤俯仰間
紛紛世事膽生寒白髮於人勢易千百歲誰成千
日醉萬金難償一春閑壯懷我昔能吞夢豪氣君
今欲拔山譎罷樽前相對笑時看黃色起眉間
社日初經又食寒天時人事動相干流觴曲水追
前事問柳探梅又一閑工部高吟誇上巳右軍勝
跡說稽山年年愧負尋春興曠鼓朝鐘了世間

三和前韻

為官閑有味多病老尤深清曉扶頭坐明窓袖手

吟悠悠成晚節落落是初心日課詩為史聊書晴
復陰

世情隨日變交道與年深捫虱宜高話雕虫莫苦
吟浮沉皆有數窮達可觀心往來詩好前身姓
必陰

次韻日休見寄五首

十載抽毫侍禁闈恩榮會得賜朝衣南宮地切才
何補北極天高望不遠曉趨班鷓趨玉陛驥騎羸
馬下金扉有心耿耿徒懷古自有虛名惹是非
紙窓朝日淨暉暉短髮新梳攬弊衣學道無成身
漸倦謀生甚拙事皆違心閑自適時開卷客至從
真日掩扉芳臭他年青史在不知其是某為非

頭邊歲月疾如飛塵土東華染素衣才氣少年曾
獲落功名十載政依遠山中何處青精飯江上吾
家白板扉行止悠悠真若此而今始自悔前非
少日青樓妓作園相逢隨處典春衣年來苦被名
韁絆佳節還悲樂事違浮世悠悠生白髮故人袞
袞到黃扉功名亦自從吾分公論他時有是非
曉攬青銅髮漸稀自知清瘦不勝衣高山流水知
音少問舍求田宿願違北寺尋僧携木杖西隣訪
客扣荆扉十年往事渾如夢辜負鷗盟事又非

再和二首

宦路驅馳汗已揮風霜十載弊狐衣貧能嗜酒人
閒謗老更耽詩世已遠杜老潛然愁破屋陶潛行

矣有柴扉因思四十年前錯有口吾曾辨是非
年來瘦病減腰圍清曉扶頭起攬衣鼠目豈堪為
世用龜腸終亦與時遠兩山偃蹇能排闥萬竹扶
疎自映扉最識世間閑是味討蓴燒芋未應非

積雨連旬為患甚大昨稍開霽入夜復作勢
甚劇不能不有感于懷曉起悵然有作

去年枯旱不可說天地為爐焦玉石田原不髮僧
頭禿今年惡雨惡難如懷襄汗漫凌大虛蒼生蠢
蠢嗟其魚一有一無俱是凶誰主張是由天工天
工天工豈無情要使物物皆生生胡為不齊一至
此必使傷和而後止我意上帝儘蕩蕩慮或不周
天地廣旱魃雲師竊化機迭為用事作福威蟻虱

小臣稍學文直擬草疏叫天閭上帝領頭一回顧
下哀昏墊震且怒斬彼旱魃投有北絲分繪切紛
如雪戮彼雲師誅龍蛟欲辭薤醢安所逃然後風
五且雨十乾清坤寧調玉燭愆陽伏陰不復作天
下萬歲如一日滿眼禾稼堆似岳釀酒萬斛復萬
斛堯水湯旱於吾何與君一醉放高謔高謔一聲
遺義娥

次韻日休黃雀詩

最冷爾黃雀求食啗庭除觸處多機穽將身慎步
趨何須角穿屋已有足成書我乏金彈手無心欲
賭渠

次韻日休戒老僕詩

人生百歲不滿百我胡役役勞吾生朝鍾暮鼓走
似狂只為口腹徒營營有婢赤脚奴長鬚驅使所
欲長不盈汝亦當初一天民胡為得此臧獲名愧
食介功傭介力辛勤役使吾心寧嗟介冬寒不縣
暑不葛篋無儲兮盜無羸君不見古來貴人門地
熱輿臺所養凌公卿豈如介輩苦艱難朝鹽暮葢
當大烹我不顧揚家奢麗肉臺盤又不顧卓氏富
豪傾都城一生擬尔為手足聊可代勞仍代耕昌
黎星李賀奚亦是托主流芳榮告介珍重當自惜
死生終始能服貞

送宋僉樞奉使日本處僚

萬里梯杭聖化同君今持節向天東盛唐妙選殷

負外南越高名陸太中繫馬扶桑看出日開帆滄
海駕長風由來刺刺非男子始信蓬弧意氣雄
昨夜文星照海涯日邦東望淨無波遠遊司馬四
方志奉使張騫八月槎蜃閣有時呈海市鼇峯何
處是仙家歸來乞我扶桑繭五色文章演紫麻

送書狀官李注簿

少年書狀氣雄豪奉使扶桑萬里遙
嗟外白雲橫馬島行邊紅日浴鯨濤
自知襟度東溟闊入仰文章北斗高
從此日邦增紙價詩成珠玉在揮毫
滄海曾聞小似杯秋風百丈健帆開
行尋織女機邊到為訪蓬萊島上回
杖節明時酬壯志馳聲絕域仗奇才
明春軟脚知何處上苑鶯花錦作堆

寄尹宜寧同年

子滌

平生最識茂松賢生死論交二十年
名宦定慙為會伍文章端合在盧前
鸞栖枳棘曾非地鵬聳雲霄自有天
同甲頭顱今四十感時懷古一潸然
南北睽離數載餘相逢即別意何如
知君自有屠龍手愧我會無薦鷄書
百歲人生多聚散一時交道更吹嗑
今朝想得還鄉樂剩著萊衣慰倚閭

次韻尹宜寧見寄

今代文章伯精深似六經才高真赭白
詩好見藍青世事浮雲變交親病葉零
相逢宜袞袞歲月速郵亭

百年真鼎鼎雙鬢已星星未學屠牛法
曾知相馬

經詩能瘦顏面酒可放骸形知子青雲興高飛上
紫冥
身世悠悠事休書咄咄空閑情思綺季熙俗想羲
農宦興紗如薄鄉心粥已濃行當投紱去歸問尔
家東

述懷寄尹同年

故舊彫零似曙星今君邂逅眼增明功名莫嘆黃
揚縮身世堪驚白髮生詩酒更尋前日約弟兄難
改十年情他時人物存公論吾輩相從豈為名
千載風雲際一時功名麟閣摠英奇書生本之封
侯骨老物唯餘忤俗姿自笑季真狂嗜酒人言高
適晚能詩悠悠身世成何事同甲相逢髮欲絲

尹宜寧見和復次前四韻以呈且希和教

玉堂當日翰林賢山立揚休少壯年才調敢居諸
子後風流當置古人前聲名君已騰雲路身世吾
會上木天交道百年知己少一尊相對思悠然
功名從古是非餘懶拙吾今復自如語不識時空
識字學非傳道敢傳書陶潛久矣思歸去喬岳胡
然強吸噓羨子蜚騰今有日錦衣光亦動鄉閭
宦海浮沉夢自驚江山何處豁雙明十年托契唯
毛穎萬古知心是翹生自識此身無長物定從何
處見高情男兒芳臭渾閑事不欲區區強好名
功名須惜少年時志節堂堂頗自奇桃李爭誇兒
女面松杉獨負棟樑姿流傳空愧南人賦諠詠追

思大雅詩堯舜致君應有術不堪青鏡鬢如絲

次韻送日本釋秀彌首座

碧眼稜稜有道風水雲蹤跡任西東遊方已遂三生願在在江山滿目中
曹溪師獨繼高風西教須知滿日東千里幸逢真面目呵呵一笑不言中

金井梧桐葉落風空階小雨響丁東青燈寂寂三更夜欹枕思鄉一夢中

高帆百丈駕長風遙望扶桑是海東歸去何時還入定老松應偃舊房中

江神應借一帆風遠客歸來西復東蜃市浮空波萬頃乾坤都在有無中

已卯春三月 兩宮巡後苑觀稼與宗戚勳

臣極歡而罷後七月日羣臣作畫以獻

聖主嗣大寶寅恭崇儉德玉食不自安菲奉亦卑
服慨念小民依艱難知稼穡上苑闢南畝田功常
在目聖澤之所濡禾稼自生植春風扇微和紅芳
兼綠縟清燕一日閑兩宮勤輦轂不勞千里巡省
耕臨咫尺草木舉欣欣江山俱動色宗勳齊蹈舞
醉飽陪燕樂臣聞周家興王業自后稷後嗣不忘
本豳詩歌七月我王復前聖憂勤不遑食恨乏大
雅手歌詠傳無極稽首獻此圖庶幾媿無逸

送平安監司曹同年三首

孝文

少年兩榜忝交親生死論情二十春愧我南宮空

知拙喜君西道好，宜巡青雲今日逢。知已白首他時仗，故人臨別贈言須。記取更將功業樹，昌辰君為翰苑我花磚。文彩風流少壯年，當日情親深骨肉。中間聚散似雲烟，萬事百年慙病骨。一盃三疊阻離筵，從今何處相思夢。淚水華山兩渺然，使相風流儘可誇。西都自昔說繁華，大同江上山如畫。浮碧樓前月似波，錦纜牙檣隨處樂。青娥皓齒惱人多，送君記憶曾遊地。蹤使重過奈病何。

贈吳隣兄黃同年兩丈

我本當初自在身，只因名宦強袍巾。一生空愧吳居士，眠食安閑養性真。貧難得酒然耽酒，病不能詩尚愛詩。冷面狂言誰

復記人情世態我無知

禮曹病後面新瘦，直講醉時髯輒張。若遇主人青眼會，可能無意具壺觴。

浮生四十已知非，羨景良辰樂事違。殷勤爲有中秋月，好向西隣盡醉歸。

有懷

天地吾堪老，星霜病已深。鄉愁連鴈字，客夢破蛩吟。細細風翻帙，沉沉月滿琴。生涯真若此，飄泊若為心。

夜坐

城東一隅地，院宇四山深。河漢高秋影，松杉半夜唵。壺尊閑有味，藥物病難禁。坐占燈花喜，親朋送

好音

即事

落日鉤簾外秋風步履間黑雲拖白雨紅樹對蒼
齋多病常思退居閑却勝官百年愧真隱頭上尚
朝冠

即事

瓦盆燒木細烟紆一室温温暖地爐藥物有時蘇
病骨蒲團聊復學僧趺

聞兩宮幸揚花渡觀船

千載升平屬盛辰欣聞二聖幸西津三靈顯赫似
湯武母則徽柔媿似莘鳳輦宮中雲擁瑞龍舟江
上水生鱗當時扈從皆勳舊勝日佳辰樂事新

晨興

晨興全力疾初日紙窻明薄酒難成醉袂衣不勝
清未如黃犢健空愧白鷗輕半老身如此殘年益
可驚

小中秋

光陰窮病裏不覺是中秋隔壁蛩啼切穿雲鴈影
稠月從今夜白客在一方愁只喜東籬菊將開泛
酒甌

中秋

天地中秋節江湖一病翁山梨紅結子野菊綠成
叢雙鬢能添雪孤蹤信轉蓬親朋消息絕獨坐雨
聲中

書懷

秋日經簷短山風落木初蹉跎空抱病幽悶強拈
書藥物兼新舊交情或密疎人生在適意此地亦
吾廬

追悼小女

去年此日汝猶在今歲茫茫何所之那復牽衣求
棗栗不堪流涕憶容姿世間舐犢誰無性樹裏探
環謾有期我自悲傷人不識如今四十更無兒
中書大醉而歸明日吟成一絕錄示李舍人
中書深處錦筵齊羯鼓聲高舞袖低滿坐斯文應
拍手南宮先醉政如泥

記夢作

白白紅紅自有時天工造物眇難知羣花野外開
無數獨有梅花開較遲

春日即事

山花如拭柳如梳庭院無人鳥自呼貧病已知春
興少悠悠終日讀殘書

自詠

百年身世是酸儒萬事悠悠只撚鬚驢子東南雙
鬢改蝸廬天地一身孤尊鱸張翰翻然去松竹淵
明久矣蕪我有薄田山下在殘年勤稼納官租

華蓋山途中

南江水色碧於酒西嶺花開紅似霞蹇驢孤客向
何處青山隔水似君家

即事

綠陰幽樹小窗開
庭院深深長綠苔
啼鳥數聲初睡覺
日長濁酒兩三盃

斗谷

洞裏人居少溪邊客
獨行山雲晴復雨
林路翳還明池面可
花影石間多水聲
詩成嗟又改信馬過
江城

蟹洞

兩岸青山夾水來
岩奇樹老畫屏開
客行到此詩先就
未老年前幾度回
雨過橫塘水亂流
夕陽人影卧橋頭
山深客斷汀洲靜
鷓鴣亦自由

謾成

杜老真成野安仁
且賦閑日長書卷裏
興在水雲間燕語頻
呼主蛙鳴不屬官
浮名政安用獨坐懶
衣冠

村家即事

一村桑柘綠初成
茅屋晴窗滿意明
喜見山妻無事在手
調小紙看蠶生

雨中即事

病裏青春可得追
蒲團穩坐睡相宜
陰天朝暝渾難辨
細雨濛濛花滿枝

自詠

古人皆達者今我獨
悠然絕意論堅白
無心守太

玄浮生頭種種獨坐腹便便儒術誠難用功名貴
兩全

村居

地僻江村四五峯茅簷低小僅身容婦因病卧妨
蠶績翁愛閑吟廢圃農北里花殘餘宿釀南鄰麥
熟急昏春十年栽種終身計野興悠悠粥面濃
結廬終擬妙高峯敢向清時望苟容杜老不妨希
稷高陶潛自道比羲農秫田春到如先種粟米朝
來婢自春病起始知人事絕小窓端坐睡還濃

到村墅

兄弟年來各異鄉東來十口尚淒涼山城薄酒可
謀醉海郡陳鹽能救荒事業百年留碧簡功名閤

月縮黃楊夜深風雨空堂靜獨坐居然是坐忘

揚州水落山途中

雨霽江天月似眉揚城歸路細於絲不愁昏黑人
家遠照眼棠花白雪奇
松山山下雨新晴稻田水白麥溝青小堤楊柳無
人管日暝微風絮自零
細沙白石小回灣嫩草幽花暮色寒幾番水落山
前過王立崔嵬仰面看

偶吟

朝來破屋蓋黃茨坐倚南窓恰得詩永日桑林烏
啄甚小風松樹鶴翻枝一區山水聊供與萬卷詩
書不救飢此地終成棹老計殘年幸免北山移

端午

客裏逢端午悠悠歲月新
綵繩如絆我蒲酒不辜
入佳節空添恨浮名豈為身
一陰方動處萬事亦
紛纒

道中

夾路青山似畫眉
小溪剡木獨橋危
西邊白日東
邊雨正是行人立馬時

蓮塘

一塘生水綠悠悠
萬柄新荷不勝柔
忽有小風吹
雨過晚香分得半江秋

琴師金典律詩卷次崔樗亭韻

期牙一去少知音
何幸逢君有此琴
細聽寒泉絃

上起時聞靈籟指間侵
高山流水音猶在
別鶴孤鸞趣已深
一曲我洋誰會得
聲聲彈盡故人心

韓判書狎鷗亭詩

北斗泰山吏部才
堂堂勲業冠雲臺
誓會永與黃
河在盟或時尋
白鳥來自止自飛
還自適相親
相近不相猜
一生終始韓忠獻
萬古斯亭並屹哉

送李都事赴咸吉節制漢下

長白山蒼蒼關河何遠迤
聖主勤北顧大將鎮邊
陲之子中幕賓才名人
所知丈夫有大志功名當
及時王事有裨益宴安非
所期出門拂袖行何會
刺刺為我有一長劔炯炯
光陸離水可斬龍蛟陸
可芟虎熊霜刃固所試
所以持贈之相笑兩不語

為作離別詩

送許都事赴平安節制幙下

許君國士器大被明主知
論事上前日運籌府中
時鄰生曾入幙高適亦持麾
北顧今方切行行展
所為
特達男兒事君今仗大威
銅盤真可歎羽檄正如
飛細柳春風拂紅蓮
曉霧霏行當輸壯志定斬郅
郟歸

送黃叅贊以進賀使朝京

丹青臺閣倚勲臣
奉使觀光被寵掄
禮樂文明全
盛日車書混合中
典春衣冠百辟陪
鸞鷺人物三
韓識鳳麟專對歸
來深眷注黑頭台鼎屬何人

平壤大同江樓船次鄭知常韻三首

故國歸來慷慨多
夕陽何處竹枝謠
江山萬古渾
如昨黃犢坡南白鳥波
桃花春渚漲痕多
穩泛樓船發棹謠
更待夜深扶
醉去碧天如水月如波
客舍青青柳色多
春風一曲渭城謠
為報主人休
進酒今年別淚又添波

成川江樓船

巫山十二曉峯尖
一水澄澄蔚似藍
花蘼碧波光
亂滴鳥飛青嶂影
清涵春風盡舫霏
紅霧明月高
樓捲翠嵐往事微
茫登眺好始知風物勝江南
病中遇初度述懷示尹淡叟庚元

四十逢初度自嘲還自寬才疎空膽大語冷且心
頑碌碌難成事悠悠不稱官雖然有一拙端不負
儒冠

惟庚吾以降今日白頭新嗜酒妻頗諫耽詩我自
真高談狂不諱多病懶成真屋漏然無愧分明似
古人

世事多如髮迂踈我自怡寒無氈可坐醉必鍾相
隨身世還如此頭顱不卜知功名留已足擬賦去
來辭

再和

歲月堂堂去乾坤蕩蕩寬自慚多濩落誰復記踈
頑有志非干祿無才已曠官如君真特達終不誤

儒冠

百歲三分過一生萬事新狂難排衆謗貧亦任妻
真高放陶元亮風流賀季真嗟予生苦晚邈矣世
無人

俯仰一室內陶然心自怡詩書端不負名實本相
隨白壁休三獻黃金愧四知交親唯子在酬唱不
須辭

三和

又知塵世隘轉覺醉鄉寬宦興如鹽淡人情似石
頑迂難營產業懶不勝衙官白髮還多事居然已
滿冠

侵尋唯病骨滿眼時事新隱几吾方樂敲門客已

真讀書觀物理嗜酒豁天真屈指交遊少斯文皆可入

野拙本心性悠悠長自怡已聞詩可坐誤導妓相隨菽麥愚難辨雷霆醉不知唯餘一生事萬古托文辭

送姜領相歸觀晉州詩

晉山蒼翠接蓬島高堂瑞靄生萱草中有鶴髮大夫人天降繁祉錫難老生兒已見極品尊黑頭麟閣收奇勲長得承恩去歸觀祖席冠蓋多如雲毋恩如此君寵厚要赴良辰一稱壽金盤初獻千年桃銀甕試開紫霞酒白日香風度蕭鼓錦袍犀鞋綴彩舞况看桂子與蘭孫文彩照映珊瑚樹門闌

佳氣青春溢盛事驚傳萬口說人間盛事古莫並求之神仙亦第一嗚呼人生天地中為子必孝為臣忠猗歟相公雙美全流芳簡策應無窮安得記事馬與班千古萬古炳青丹且問此詩作者誰舊時史官今禮官

是日餞罷領相申左相權右相自漢江樓聯鞍徐行佳妓數隊前行謔舞行至典廐署前街有以壺酒來慰者兩相於馬上成小酌開權抵暮到權兵曹權家開筵極懽夜分乃罷居正終始參末不勝自幸明日吟成近體二首伏呈兩相鈞軒左右以資一笑

江樓餞罷又重懽兩相風流伯仲間皓齒青娥馱

細馬舞衫哥袖拂雕鞍誰家壺酒頻頻送滿目溪
山緩緩還此是大平真氣象憑君須作畫畵看
黑頭勲業照麒麟有暇東山興已新禮樂百年全
盛日風流一代大平春華山轟轟明銀雪漢水粼
粼起玉鱗從此不妨為故事題詩落魄豈無人
次韻沈判事 璿 豐壤別墅詩韻六首
江鱸如雪蟹初黃香甕新開酒滿觴早卜菟裘君
得計無田可去我堪傷
黃鷄爛熟白醪香野老相逢不計觴畢竟何人爭
子所山林朝市異閑忙
清時無暇事閑遊兩字功名已白頭未報君恩歸
不得故山松桂幾番秋

君向江湖取次遊我今身世大悠悠歸田有興吾
能說臨水登山事事幽
蜀魄啼殘月四更山中事事總關情悠然記得詩
成處花有清香竹有聲
山能偃蹇水能清相對依然愜素情何日鏡湖蒙
勅賜好將骸骨送殘生

又次別墅詩韻二首

十里奇觀簇一亭登臨暇日暢神情四時花卉留
春色半夜松杉作雨聲盤谷舊聞山水勝輞川今
見畫畵清佛岩我亦茅廬在去矣終當老此生
紅槿花開白板扉君家三徑故依稀知章歲晚能
耽酒杜甫朝回可典衣舉酌湖光迷潏灩捲簾山

色轉霏微無人識得歸田與鷗鳥相親兩不機

金子固邀至其茅設小酌醉後有作

勝日多餘暇能來問子家池荷經雨足溪柳受風
斜狂客銜杯樂妖姬密席謔明朝醒已盡此興定
如何

再和

西隣居士宅東里醉翁家揚柳千行直菰蒲一徑
斜長身誰解舞皓齒不停謔縱使風情在其於白
髮何

三和

昨過百花塢隔牆黃四家南山當戶滴新月入簾
斜簷燕雙飛舞池蛙兩部謔紛紛浮世事只可飲

無何

四和

落魄誰家子常尋有酒家鶯花馬蹄疾風雨帽簷
斜無日不長醉有時空短謔百年只如此此興君
謂何

端午二首

又是天中知光陰似轉丸何人腰服艾有客佩紉
蘭燕子微風動榴花小雨寒年年蒲節酒自可養
衰殘

吾生真落托倏忽換涼炎世事如炊黍功名似採
蟾紵衫輕細細竹扇弄纖纖佳節虛經過居然白
髮添

子固家大醉而還二首

功名十載走長安瘦馬凌兢骨似山破帽短靴何
處客又乘微雨過蘇端
家在南塘第五橋名園今復見榮招前身杜甫入
休笑點筆題詩酒半豪

再和二首

驕斷詩成字未安蹇驢行處聳肩山幽花野草渾
無賴驅盡閑愁入筆端
柳陰深處百花橋知有濠梁苦見招滿座佳兒皆
第一休嫌老客獨龔豪

重到南宮書示同年尹正郎

南宮重到愧諸郎迂闊如予之寸長鬢髮多慚成

白雪功名可笑縮黃楊狂言冷面誰能數世態人
情我不當賴有年寮容我拙悠悠又度四星霜

戲贈成內相同年

僕再為工禮兩曹參議一為吏曹嘗宣慰使
臣於義州又奉使朝京師皆假腰金帶自
吏曹陞樞密國家舊例僕以不才薄命亦不
隨例是可愧也戲作數絕為斯文一噓

四十頭顱祗可憐磨驢蹤跡又依然功名到此吾
知足人說黃楊厄閏年

幾番金帶還銀帶兩度工曹又禮曹枉被人言年

少者南宮當日我年高

判書於我皆

同榜題名二十春一時嘉靖四三人我腰有分銀

如舊雙鬢胡為又學銀
曾聞橋渡誰為枳今怪金過水作銀贏得故人長
笑我不堪白首被妻真

辛巳立春

春為歲之首天事近於人理自終還始道應屈必
伸潛知六甲促驚見五辛頻萬物皆生意吾今喜
得新

寄李僉樞

交遊冷落漸相踈
玆重故人折簡呼
徑欲携壺一
相訪其於風雪病難扶
憶昔匡山逢李白一窻風雨夜論詩至今塔上題
名在復記摩挲幼婦碑

少日陪遊只數君雲臺麟閣策高勳一生苦被儒
冠誤我是前身鄭廣文
寂寞窮廬近歲除瓦盆濁酒擁紅爐一年強半身
渾病坐對梅花似我癯

除夕

餽歲吾何事青燈一笑開椒花傳舊頌栢葉泛新
醅臘為寅前駐春從子後來天時與人事已被兩
年催

元日

四十是強仕今添又二春屠蘇宜後飲老病已先
入身世何由徒生涯敢諱貧殷勤一年事梅柳亦
精神

人日獨酌

新年栢子酒人日草堂詩只欲無何飲初非用意
為梅花春欲開雪色暖先知說與青銅鏡胡然兩
鬢絲

正月初九日外祖忌辰與權右相三昆季同
往開卷寺設齋

清曉聯鞍出禁城滿山積雪馬蹄鳴雲深不識招
提處樹隔遙聞梵唄聲入向棧橋扶杖去僧從石
竇汲泉行忌辰君子終身孝此日同來四弟兄
成川辛使君詩卷次中左相朴判書李提學

詩韻六首

關西雲物重依然今歲相逢似去年驛路悠悠幾

驅馬郵亭寂寂且同眠蹉跎世事嗟無地环重交
親擔有天却喜使君豪氣在風流亦不減年前
酒罷樽前笑不休感時懷古思悠悠我曾開卷叅
經幄君正抽毫侍御旒此日偶成萍水會頻年空
費澧蘭愁明春來歲定何處信美他鄉不可留
為州廉簡子當然畫戟香疑日抵年似說鄉村無
鵬擊曾聞問落有庖眠鸞棲枳棘終非地鵬聳雲
霄自有天丹詔徵還應不遠聲名當置冠黃前
冷言狂態蓋棺休碌碌真慙物議悠一字何曾補
皇衮十年長得侍宸旒大器晚成君自屈虛名早
竊我堪愁朝廷選用皆公道頗信功名已足留
東風驀地花欲然宦與羈愁又一年老去何曾如

特健困來方欲學蠶眠清明寒食連三月鴨水華
山接一天假寐郵亭成小睡九重宮闕五雲前
馳驅南北幾時休迢遞關河道路悠水漲春江生
錦穀雪消陰壑綴珠旒芳草暖烟抽別恨桃花細
雨釀新愁繁華到處腸堪斷莫學昌黎越笑留

次大常博士高閏謁聖詩韻

使臣唱和
音代人作

巍巍我宣聖德與天地齊六經揭日月萬古開黔
黎鑽仰何高堅欲從不可為一脉不墜地穹壤相
與俱文教久東漸皇天其我私絃誦萬鄰魯禮義
皆文辭千秋尊廟祀衣冠咸在茲左右儼籩豆佩
服燕書詩皇華天上来駕彼於焉來孔聖昔欲居
此語誰能欺我生千載下尚想空遐思泰山何崇

崇景仰安可希三復謁聖詩長夜今何其

次內翰陳先生謁聖詩韻

陪侍皇華謁廟靈從容禮法見真情詩書既已尊
吾道事業終期到列卿妙句堪驚金地擲疎才自
愧瓦雷鳴由来根本斯文地更有流傳萬古聲
內翰承綸下玉墀高才詎可管中窺九重恩詔懷
殊俗萬里車書混四夷家法子昂傳有自使華殷
侑繼伊誰東來此日聲名大一揖清芬是我師
天上仙人白玉堂珊珊鳴佩遙鶴行篇三百詠詩
無敵斗十千傾酒幾場使節遠傳金檢煥錦袍猶
惹御爐香偶然投我瓊瑤什明月輝輝照夜光

次陳內翰漢江詩韻

峽兀瓊樓壓古津使華風韻見天真已從滕閣吟
孤鶩更向松江得細鱗山水可供佳客興杯盤長
愧主人貧放船落日傳觴急判樽前醉倒頻
畫船蕭鼓水如藍坐上天人樂且湛絕壁綠江連
漢北輕陰拂席近終南仲宣作賦登樓興太白題
詩倚酒酣要識溪山留客意晚風吹雨白氍毹
須信楊花特地幽皇華伯仲見風流金牋綵筆詩
添興雪膾瓊漿酒破愁草樹遙連黃犢岸烟波長
送白鷗洲西湖此會真堪畫妙手終煩顧虎頭

次高太常漢江詩韻

澄江萬丈琉璃碧美酒千鍾琥珀杯好雨天教留
好客更看明月醉扶回

鸞刀細切銀絲膾美酒頻添白玉杯微雨好風吹
小艇勸如不極不復回

又二首

十里西湖畫舸浮使華行樂見風流晴川芳草黃
樓句桂棹蘭橈赤舄舟詩酒可供賓客興笙歌解
破古今愁江山如此人如玉此會吾應說白頭
山光水色共浮浮萬頃澄波碧玉流杜子秦淮題
繡句蘇仙赤壁泛蘭舟檣帆鷗鳥來相近笙管蛟
龍聽亦愁從此西湖留勝跡燕山北望幾回頭

揚州樓院次姜景醇韻

小雨平郊綠漸勻江梅已子杏初仁江山十里真
如畫寫出新詩字字珍

誰家籬落掩柴門柳暗花明又一村日暮蹇驢不
知處小橋流水月明痕

道峯山下一精廬滿壑松風萬籟噓二十年前讀
書處祗今如夢又非歟
舉酒高樓一笑開青山無數蠹成堆十年空賦歸
來興白髮多情故故催

寄書平安曹監司求鷹

梅花窻畔讀書燈身世吾今似老僧有時攪起顛
狂興穩跨青駝學臂鷹

送康參判巡察咸吉道二首

同榜聯名二十年遊山往事夢相牽交情依舊無
深淺宦路如今或後先鈇槩區區吾已老聲名藉

藉子方賢南宮此日叨參末祖送東門倍惘然
鐵關東北路迢迢幾度君乘使者輶草木已能知
姓字兒童復喜擁旌旄風翻黑水千層舞雪壓白
山萬丈高也識威靈振沙漠聖君方欲倚賢勞

送耆伯之任咸悅四首

耆伯我知已文兼吏治優幾年從薄宦今日去為
州驥足斯難展牛刀試可游如君真悃悞人物寡
時儔

溧北孟東野河東薛使君當時雖小邑萬古有清
芬莫嘆鸞拙棘行看鳳翥雲他年碑德政我欲跋
斯文

作吏多稱俗為儒例說迂才難適世用事必合時

須我今遠壯志子可惜良音去去能相憶吾詩政不諛

錦水連湖水家山接郡山風流彭澤後行樂習池間露冕青春好鳴琴白日閑真堪成吏隱我欲一追攀

述懷寄姜景醇

嬰鑠容顏白髮添功名蹭蹬病相兼乖時無及三年艾違世方成六日蟾江上歸心濃似粥世間風味淡於鹽詩成遣興還堪崇一字吟安斷數驂

詠雪 效歐蘇體

昨夜狂風萬籟吹起看庭院雪篩篩乾坤上下皆包括河岳崇卑可補裨從此不嫌迷赤黑由來端

的匿瑕疵紛紛世事休干我閉戶高吟也自宜

謝吳同隣見訪

少年意氣托知音出處榮枯只此心里閑不妨同

富邵 富鄭公邵康節晚同里閑 交遊寧復慕張金墻頭濁酒時

相送篋裏新詩或共吟昨賦高軒還有約明朝有意更携琴

次韻李同年次公見寄五首 時次公以事在繼續

不如意事古來多休嘆南冠閱歲華謠詠何人先
吠雪紛紛末俗競犇波誰能鍛鍊銷腸鐵未有斐
萋眩眼花共說治長信非罪只緣時運少蹉跎
造物由來戲劇多君今蹭蹬為才華人情好惡生
瘡髮世事浮沉似水波李白早知詞吐鳳江淹已

夢筆生花有朝宜遣揚雄解暫蹶霜蹄不是蹉
我今兩眼閱人多敗譽紛紛半實華市虎三傳生
衆惑涸鱗一救望恩波屈曲由來非竹性清芬真
箇是梅花信知今日天將玉莫嘆功名歲月蹉
儒冠例必誤人多落托吾今鬢亦華自古世途多
檻穽從知宦海是風波病心已作露泥絮醉眼渾
迷落井花藥省風流如一夢中間聚散各蹉跎
昭代羣賢濟濟多自知悃悞我無華滑稽政似東
方朔矍鑠真成馬伏波貧病隨身唯藥物光陰閱
眼幾鶯花到頭萬事宜安分莫遣人欺末路蹉

再和五首

男子何須慷慨多人間得失似榮華誰知高岸為

深谷或見桑田作海波未必春鶯欺夏燕不嫌杏
子笑梅花動而得謗名隨在世寧無少跌蹉
李白高才世不多家聲君已擅詞華妍如翡翠巢
紅沼壯或鯨鯢戲碧波脚底青雲萬里路頭邊丹
桂兩番花文章憎命何須怪自古詩人例必蹉
少年豪氣減應多攬鏡居然兩鬢華歲月悠悠如
過隙功名碌碌只隨波十載鸞坡曾演草三年藥
省又看花南宮此日無毫補長愧儒冠與世蹉
身世龍鍾病已多殘年無夢事豪華田園有約歸
來逕鷗鳥無心浩蕩波天地一身同泛梗風塵兩
眼已昏花頭顱四十還如此百歲人生萬事蹉
春陰漠漠晚雲多坐攬狐裘感物華半壁殘燈紅

吐艷一杯新酒碧生波陶潛晚節思衡宇杜甫殘
年愛浣花我亦歸田曾有賦先時猶勝後時蹉

三和六首

能讀書人古不多多君才調富文華壯心逸驥思
千里偉量長鯨吸百波憶昔同趨青瑣闥退朝相
詠紫薇花悠悠過眼五年事雨覆雲翻漸日蹉
狺狺搖喙為誰多衆嫉娥眉似舜華白璧蒼蠅生
小玷濁涇清渭不同波人間指佞那無草世上忘
憂亦有花玕重千金當自惜斲時毀譽豈迤蹉
直以踈慵物議多一官持祿四年華深慙補袞曾
無字長愧吹竽久混波晚節歸心三徑菊早年虛
譽八磚花功名亦識封留足休說當時命運蹉

浮世紛紛萬事多宜教得喪付南華扶搖已擬沖
霄翮煦沫誰憐涸轍波久矣難堪肘上柳頽然無
奈眼前花泰山為小秋毫大齊物終知理不蹉
春雲淅淅雪飛多一夜東窗混月華冷入布衾豎
似鐵暖飄茶鼎旋成波漫天已作顛狂絮觸地能
開頃刻花直欲訪君乘興去其於世事喜蹉跎
五斗區區百計多紅塵萬丈暗東華故園有夢山
如畫深院無人月似波何處薄田宜種秫好從荒
逕為栽花急流勇退非難事我意嗚呼或漸蹉

四和五首

嘆息新詩日又多吟來字字入精華堂堂筆勢萬
仞嶽衮衮詞源三峽波今古無人酬白雪流傳有

體賦梅花他時輸子綵綸手愧我年來已老蹉
白髮年來鑷更多肯從兒女事鉉華無心喜俗爭
趨勢絕意同流更逐波寂寂小山攀桂樹紛紛九
疇藝蘭花古人已去餘芬在可信人間行路蹉
偃蹇高懷齟齬多敢將心事閱芳華盤中苜蓿照
紅日瓮裏葡萄生綠波渭北今年詠春樹湖西何
處訪梅花狂譎痛飲從人笑已分殘生滯屈蹉
新年樂事漸來多滿眼欣欣物自華野柳搖黃嬌
作意春江漲綠纈生波百千一斗新豐酒二十四
番上苑花佳節風流天不斬人生此會豈蹉跎
靄靄君詩態度多還慙魯縞報瓊華韓豪李放真
同調陸海潘江隔幾波筆下龍蛇張旭草腸中鐵

石廣平花一生苦乏驚人語老矣詩壇夢亦蹉

五和七首

際會風雲我自多看盛治叶重華虞廷已頌歎
皆舞周史方書海不波賢俊滿朝班玉笋榮光許
賜燭金花小臣早竊非常寵補之絲毫意漸蹉
畜眼平生見未多君才藉甚國能華重遊桂窟參
仙籍早入薇垣沐聖波子羨青梧埤有竹謝家紅
藥砌翻花明時宜掌絲綸羨萬里雲梯路不蹉
風騷有將益多多含咀為榮吐出華力幹乾坤提
化柄源深河海起頽波無才我愧百穿葉有筆君
會五色花今日多慙相往復淡交寧復道蹉跎
立言誰與立功多大雅文章日月華兩漢浸淫猶

近古諸家浮靡漸橫波五絃寂寞今無響末業紛
紜競有花賴是斯文天未喪更知吾道不蹉跎
管窺吾愧一斑多羨子文章燁衆華武接班揚宜
並駕汗流籍湜已犇波曾吞八九何會芥筆落三
千爛吐花更識後生真可畏効顰能不愧吾蹉
我今觀物歲時多一氣流行燠復華世事翻雲還
覆雨人心合汙更同波此身妄擬期冰檠雙鬢徒
然見雪花萬事乘除真有數蹉跎不必久蹉跎
神仙有術學能多何處黃精可掇華駕鶴驂鸞飛
白日瀛洲弱水隔滄波神清洞裏三生石簷蔔林
中六出花畢竟吾當從辟穀莫教心事歲時蹉
四佳詩集卷之八

四佳詩集卷之九

第八

詩類

用前韻又寄子固

浮生草草又新年世事蹉跎只惘然雪色全消人
日後梅花欲動上元前門堪羅雀誰能到樽有浮
蛆客可延蹭蹬吾今何所得好詩猶或近三年

將訪金子固先寄此詩邀盧子胖同話

人生非意孰相干有約同鄰擬往還列子何須阻
南郭杜陵已喜過蘇端供閑有策碁先拂遣興無
媒酒可懽且問玉川相就未不妨折簡此追攀

古木圖

喬木偃蹇如龍形不作低昂隨世情風來有時作

泓吟無乃不得其平鳴紛紛說汝不材身亦可以
此終吾生

畫竹

此君無曲性由來大節明獨立天地間斯為聖之
清

辛巳正月二十日夢得一聯云平生意有在
百計隨所之仍演字作十首

大抵物之理鳴皆因不平我夢政如是我詩出於
情
人生百歲內何用勞其生庶幾保大和樂以忘吾
形
小小有天志不為時俗累終然坐此辜八九不如

意
既無何必有既可何必否人生有是非在入翻覆
手
我無皮與毛唯一肝膽在胡為不見容大為時所
背
人生不盈百胡為空役役所以古君子谷神而辟
穀
平生千萬策歸田是上計君看高飛鷹一去誰能
掣
古來有大患名實不相隨我今徒自守我道無磷
緇
我自不歸耳我歸能無所悠悠我行止我獨心口

語
吾將適萬里稅駕安所之
聖賢亦可希有為亦若
斯

次韻子文見寄四首

四十辛勤有此廬
聲名箕斗已成虛
早知儒術終難致
只信窮愁可看書

鸞坡十載直金廬
欲擬揚雄賦子虛
補袞今慙無一字
胸中只有五車書

乾坤蕩蕩是遠廬
物理分明盈復虛
自笑年來乖世事故
人皆著絕交書

偃蹇青山擁草廬
十年歸計夢成虛
何時共卜同鄰去
朝夕相呼折簡書

金子固邀至其第園基先寄詩即次韻戲之
世事年來機巧新
由來當局尚迷神
君言勝敗皆閑數
我道輸贏只在人
介甫隨緣聊作戲
謝安賭墅不嫌親
偶無公事且相訪
只恐楸聲震四鄰

金公第次李次公韻

高帽尖靴匹馬遲
青春浩蕩遍郊圻
黃歸柳線初回眼
白入梅花欲吐脾
酒或逢場能遣興
碁非好事為忘機
相逢白也詩成處
落筆蛟龍滿紙時
金侯池榭春政濃
李子忽馬來適從
直把金樽開北海
高拘珠箔引東風
君應中聖同徐邈
我不狂醒減次公
更有主人調錦瑟
少年懽樂一時同
庭院深深絕俗紛
一池新漲蹙龍紋
畫堂蘄簾琅

玕静王子揪枰霹靂喧北岳攢空明積雪南山當
戶起層雲酒闌碁罷歸來晚帽頂依稀月有痕

寄姜景醇

衿陽何處是菟裘歸去君今萬事休李愿盤中孰
爭所陶潛宇內復馬求一詠一觴皆暢叙某山某
水極優游紅塵騎馬成何事有夢相尋到白鷗

寄咸吉道巡察使康叅判同年

堂堂入眼陣雲高橫槊哦詩意氣豪筆下風生飛
羽檄腰間星動烟霜刀銀潢洗盡黃塵淨細柳閑
嘶白馬驕萬卷吾今將底用當年悔不學戎韜
南宮獨坐四年強碌碌無成鬢已霜事業君應鑄
碧簡功名愧我縮黃楊曾中豈之孫吳略世上虛

傳駕李狂二十年前交道在相思日日幾回腸

畫竹

誰畫江南黃竹林令我不見歸意深邇來三月亦
不肉耳邊髣髴聞韶音

次李監正

仁全字之安詩韻

龍門何幸早攀緣交道殷勤三十年耿耿一心明
白日悠悠萬事付蒼天舊遊跌宕迷如夢故友彫
零散似烟準擬逢君酬暇日一樽相對好山川
新愁舊病巧黃緣草草光陰又一年美景賞心無
樂事踏青寒食又連天嬌紅似拭花紅雨嫩綠如
梳柳翠烟九十日春能瞥眼不諱鯨飲吸長川
白首紅塵墮世緣儒冠迂闊似當年才非閨色慙

無地志不隨時誓有天酒或逢場忘日月詩如適
意走雲烟悠悠世事無窮盡始信宣尼嘆逝川
未信求魚木可緣只將心事感流年田園欲立雖
無地身世曾窺管有天姓字要須傳蠹簡功名不
慕上凌烟歸心三逕濃於酒晚節當從葛稚川
嶺南何處好因緣皓齒青娥二八年晚雪飛飛梅
似玉湖樓隱隱水如天一春花柳迷魂夢兩地江
山隔兩烟莫說豐城離別事傷心無盡淚犇川
有舉子將所製宋璟金笏賦寇準請幸澶淵
表求題品僕既批抹之仍書紙背三首
廣平腸鐵石寇準氣雷霆賦詠新進士題品老先
生

孔明出師表屈子離騷賦千載有規範慎勿浪馳

西崑有遺體歐陽黜劉幾我今批抹之千載有吾
師

寄成同年重卿

生長同間四十年聯名三榜重依然慙予聲減諸
公後羨子賢居列相前萬事到頭宜地忍一生知
是却天然只嫌聖代無絲補竊祿悠悠已白顛

麻浦次李德輿詩韻

終南西畔漢江流芳草晴川自在愁報了君恩當
有日白頭身世付滄洲

明日追憶麻浦之遊作詩寄洪日休

十載東華塵滿靴春雲濃淡春愁多顛詩癖酒故人識啼鳥落花佳節何黃鶴樓前詠芳草滕王閣上吟落霞昔賢寂寞我輩在漢江綠漲葡萄波

日休有和次韻

高帽欹斜雙脚靴南馳北走人事多流年華髮不相貸新愁舊病無奈何春江欲變酒如海上苑又開花似霞拔劍擊樽或一笑西飛白日東逝波

再和二首

蹇驢破帽弊烏靴奔走東南歲月多天地一身如寄尔風塵萬事可如何白鷗水淨拳踈雨黃鶴天長閃落霞茅屋石田何日去一蒿漁艇泛滄波誰教老物強佗靴五斗區區百愧多白璧無瑕徒

尔耳黃金有命可如何風前落帽頭渾雪花下齧杯臉似霞直以迂狂招物議從今我欲學隨波

山水畫二首

金鰲頭戴仙人闕翠樹重重蔭清樾飛泉直下百千尺矯為玉虹噴為雪日暮孤舟何處客江神為借風如瞥上有一天下一天滿船載得江南月江雲漠漠滿江樹青山如髮散無數仙人樓閣插雲端竹徑松梢出歸路桃花春水去悠悠知是山中昨夜雨芳草晴川愁殺人蕩槳歸來斜日暮

寄成吉道副元戎康同年

孝文

小范曾中十萬兵堂堂一代倚長城煩君早勒燕然石奏凱歸來佐太平

文墨區區豈潤身才非適用語皆陳明時竊祿類
何厚碌碌南曹又五春
少日談兵壓白韓中年蹭蹬誤儒冠不知迂闊招
人謗壯志猶思掃百蠻
惆悵頻年髀肉生閉門長日讀書聲由來馬革男
兒志鬱鬱胡為抱此情
長白山高插大青山頭六月雪崢嶸何時一嘯登
高看四海無塵鏡面清

老木啣

老木高風作意狂青山和雨入微茫畫將無限江
南景來寄西窓一味涼

建除體和洪日休

建章門前朝罷回走馬長安花滿開除罷萬事無
過酒甕裏澄澄初發醅滿酌一倒雙耳熱拔劍起
舞譌激烈平生酷似杜陵老許身妄擬稷與契定
知儒冠多誤身蹭蹬聲名三十春執心一飯不忘
君區區忠義雙鬢新破帽蹇驢何所之殘杯冷炙
潛酸悲危言駭俗徒取謗苦吟大瘦誰能知成都
竒勝天下先浣花草堂真可憐收芋拾粟未全貧
風流亦是為儒仙開卷完讀三十四章殘膏賸馥流
芳香閉戶長吟我何者若比杜老狂更狂

次韻洪日休

賢達豈不好迂拙亦足味既為時所賤何用強料
事苒苒青鏡中白髮立相暹丹丘羽可仍從此欲

遺世

老木音

憐渠聳壑昂霄態磊磊落落非尋常自古大材終
大用時來亦或扶明堂

八音體和洪日休

金能躍大冶時因衆口鑠石宜補天隙或可以為
錯絲棼手自理一一有經絡竹性本不曲何曾類
纖弱蘇大尚有容嗟哉指濩落土梗混真贗世道
日紛摧革薄我無術誰能重然諾木散亦可壽庶
幾不隕獲

三月晦日吳居士寄詩即次韻

東君未肯為吾留錢別悠悠自在愁九十日春餘

一日相逢痛飲不須休

次韻洪日休三首

病中身世是漫郎閑讀南華一兩章滿架薔薇初
過雨午窻情興付壺觴
皓首吾今已免郎碧山招我又焚章一生行止宜
能斷三逕歸來可引觴
瘦不勝衣似沈郎一生大誤是文章我今無意人
間事只合逢場喫酒觴

次韻洪日休三首

慷慨傾千古風流蓋一時才名君若此身世我依
違

功業非初志聲名減舊時天心難自料世事巧相

遠
有志空追古無才可適時百年長齟齬萬事已乖
違

康叅判 孝文 在北邊次拙作見寄即走筆步

韻以酬

少年交道托同年利勢如今百不牽脫穎我無毛
遂未著鞭君有祖生先勲名豈不思三傑放曠終
然似七賢萬事到頭何足算人生隨分即天然
回首關河道路迢元戎推轂駕星輶從容談笑開
樽俎出入威靈杖節旄地接東溟烟瘴合山隣北
極雪霜高胸中多少平戎策肯向明時笑獨勞
旌旗漠漠朔風高綠髮將軍氣槩豪聲撼山河鳴

鼓角光搖雷電振弓刀召伯封疆增日闢漢家威
德服天驕莫言儒腐無長策曾侍龍顏講六韜
知君膂力尚方強沙漠威風凜雪霜絕喜文章曾
吐鳳堪誇才藝又穿揚一生得失緣詩癖千載浮
沉逞酒狂聖代亦收擢散質消埃無効愧中腸

與李提學胤保洪中樞日休登成叅判重卿

家後西嶺飲酒聯句醉歸有作

西嶺佳氣鬱葱籠伯仲風流只數公青眼玉人今
吏部白頭坐客老南宮樽前痛飲頰如玉醉後長
吟吐似虹共惜百年開口日歸來倒載月明中
登西山翌日洪日休作詩見寄次韻 洪武韻
憶昨西湖亭上醉黃金盤中白玉鱠座中學士皆

儒仙南宮老人參高會醉裏肝膽生槎牙或發高
談人共怪落日欲沒西山西醉扶花下驢倒載闌
街兒童拍手笑笑殺醉翁迷似塊醒來記憶醉中
事白頭狂顛作竒態麻川學士送我詩詩中一一
當時畫當時畫本莫浪傳寧知我亦神仙來翫世
日休又叙昨西山之會作詩并引以寄詞頗
竒巧嘆賞不已但韻高不能即次吟成近體

一首奉酬

寂寥門巷日如年獨倚繩牀穩作眠百歲幾何頭
種種五經無用腹便便葵花向日孤忠在柳絮因
風老態顛忽得故人佳句至蛟龍滿筆錦堆牋

任判事

子深

邀日休與僕往漢江一暢堙鬱

日休作詩挑之次韻二首

漢水鱗鱗綠發醅園立壇下路盤回太常折簡招
携去樞院聯鞍笑語開隔崖青山宜偃蹇近人白
鳥忽飛來更知珍重斯文會擣散如予亦許陪
江頭遊興浩難裁落日宜教盡醉回百歲光陰如
此過一生懷抱向誰開江山有約吾當去軒冕無
心是儻來為報同年須記取暮年田舍擬追陪

遊漢江翼日次韻日休見寄之作

君不見竹林七賢幾人在又不見飲中八仙無復
會麒麟萬古功名字不博生前一懽醉我昔乘興
到醉鄉我不願富復誰貴是非憂樂都不關適亦
自適懽自懽安得漢江變為酒有肴亦似終南山

南宮老人多款曲况是諸君敬愛客我醉拔劍或
時舞烏帽半歌頭半白

次韻日休

鬱鬱復鬱鬱彈我無絃琴何曾勞十指自有太古
音邈矣世無人誰能知我心本有丘壑趣而不慕
公卿欲把種樹書兼以相牛經江山作知己花月
長吟哦回頭十年非碌碌隨犇波百歲風中燭富
貴會幾何我言出於真聊復謔狂謔

書懷寄日休

文章歇後語諧詼竊祿明時愧不材共謗賈生年
尚少誰憐顏駟老多乖功名適足為心累造物還
如與命猜歸興故山濃似粥聖恩何日許殘骸

聖時不欲久防賢屈指唯須早退田白髮可無埋
骨地青氈宜有買山錢此心莫莫休休裏世事紛
紛擾擾邊說與故人知此意詩成一笑又茫然

次韻日休二首

君詩變態自成家光燄騰空萬丈葩雅頌洋洋遺
有響典謨渾渾浩無涯清新雪月交暉映老健蛟
龍鬪攫拏我欲詞壇一推轂紛紛諸子亂為蛙
懶性真同木石頑人間有味不如閑功名久判宜
三去身世終當付八還風動花香連綠樹雨餘嵐
氣捲青山一生樗櫟材何用也合悠悠了世間

再和二首

三逕荒涼未到家虛經秋月與春葩光陰冉冉老

將至身世悠悠生有涯莫怪人情多反覆厭看機
事政紛拏何由兩耳聞韶濩俚巷紛紛沸似蛙
乾坤無地著吾頑有底奔忙不暫閑自笑磨驢空
踏跡多慙倦鳥尚知還終教隱几追南郭莫使移
文在北山自是官清賓客少岸巾長卧小窻間

復和前韻

官事兒癡百不諧自知苦乏適時才欲論大體為
人笑或作高談與世乖擔石皆空貧敢諱杯觴雖
在病相猜何時暫試囊中法羽化丹丘外百骸
平生出處慕前賢去矣終當事石田匣裏長鳴雷
煥劍囊中空澁杜陵錢乾坤百歲杯搏裏風月三
生翰墨邊昨夢江南孤艇月相逢魚鳥又依然

用麻川韻送金同年好仁赴北青兼簡康元

戒二首

北闕新命東州展壯圖吏才會慷慨將略轉豪
麓何代無黃霸前身是亞夫簿書應有暇搏俎更
投壺

吾衰遠壯志子去惜良畷文武才兼備張弛道不
庸聖主思良將元戎特百夫憑君煩問訊何日共
傾壺

用庚辰端午詩韻寄日休二首

今年又端午日月似跳丸小雨新抽筍光風欲泛
蘭醉穿衫袖薄涼卧簟紋寒何處鞦韆影搖搖日
未殘

吾生真淡薄世態喜趨炎遣興思搏蟻知音托硯
蟾竹風吹細細林月落纖纖大卧乾坤內詩情晚
更添

送慶尚道李處置使好誠用諸公韻

為州推第一制敵妙如神文武才無備謙恭德有
隣憂分南閩去懽奉北堂新忠孝如君少榮光已
聳民

端午翼日用前韻寄日休二首

百歲身多病明窓藥可丸小風香菡菖微雨長芝
蘭酒傾霞液細冰嚼水精寒隱几宜高卧悠悠送
晚殘

天中纔瞥眼時序向炎炎欲覓三年艾真成六日

蟾山雲橫暗淡蒼雨送廉纖更喜身無事吟哦藁
日添

題李令伯畱晉李密字令伯有陳情表

事親日短事君長一表陳情只腎腸萬古此心明
耿耿喜從篇簡揖餘芳

為忠為孝古應難時運崎嶇蜀晉間地下若能逢
後主也能無愧譬齊桓

次韻洪日休

功名身後不須垂擬向生前日典衣又判踈慵人
共棄極知迂闊與時違欲尋杜老青精飯先問王
維白板扉四十二年吾已誤如今亦自悔前非
莫向回谿嘆翅垂功名當念泣牛衣誰知鷄肋為

人惜頗怪龜腸與世違病客長慙生白髮故人頗
見到黃扉一生甘分為樗散敢使虛名惹是非

次韻日休二首

小黠何如守大癡只慙齟齬不容時百年人物存
公論一世交遊敢詭隨莫使形骸勞役役堪驚歲
月老垂垂烏紗巾上青天在屋漏分明有四知
嗜酒耽詩我獨癡風流忻遇太平時杖頭阮老錢
常掛醉後劉郎鍾必隨休嫌老物雙毛改只喜佳
兒兩鬢垂度送百年如此可人情世態懶無知

五月十五日與宋中樞處寬洪中樞逸童李

參議苗任太常元禧崔大司成漢卿田承文

相生南少尹軼與太常承文諸先生出遊箭

串樓醉歸明日有作錄示任太常先生轉示

諸公

漢水澄澄蔚似藍登樓徙倚興初酣好風吹倒烏
紗帽落日涼生白紵衫杜甫題詩同渭北退之聯
句憶城南斯文骨肉真堪詫狂簡如子亦得參

日休叙昨日江樓之會作詩以寄次韻

江樓重會幾時成我本風流絕世營萬古知音陶
處士一生托契趨先生常思杜甫江頭醉不學靈
均澤畔醒復記扶歸斜日晚白鷗青嶂畫眉明
把酒吟詩取次成無心世事苦營營不妨下澤遊
鄉里頗信窮途仗友生中聖誰憐徐邈醉逞狂長
愧次公醒悠悠身世真如此豈有涓埃答聖明

金子固林塘賞醉而還

林塘真絕勝相對坐移時既醉三杯酒還輸一局
碁榴花明薄暮荷氣襲方池更喜同間開交遊只
有詩

移病

移病還無事憑梧懶不冠花香侵筆架雲影落碁
盤鵲噪頻占客蛙鳴豈為官居然忘俗慮世味不
如閑

十五日小雨命僮奴種蔬栽竹又鑿沼一畝
于後園將欲種蓮仍吟一絕示日休

園林雨亦好地僻類村居倩客譜移竹呼兒課種
蔬護墻治薜荔鑿沼養芙蓉誰識此中樂官閑客

政踈

復和日休

十里東郊草似藍薰風陣陣送清酣元龍樓上新
添興子美江頭可典衫座撼濤聲連漢北杯搖岳
色近終南太常樞院驚人句不分南宮末席叅

復和日休

誰能愛真隱我欲賦閑居身世唯書卷生涯只菜
蔬薰風抽綠筍香雨拆紅蕖却喜知音在交遊信
不踈

明時多俊傑白髮誤儒冠幾憶陶潛逕終歸李愿
盤猖狂猶嗜酒懶拙不勝官只願身無事何妨病
得閑

復次子固韻

風流公子宅邂逅老翁時醉愛揮金枕閑同下玉
碁清談塵拂塵妙句草生池雨過蘇端好頻吟老
杜詩

送平壤判官禹圻用諸賢韻

一鶴一琴又一麾箕城西去路逶遲何人能賦河
東序有客長吟渭北詩六載為州真可樂斲時分
手不須悲從今盤錯才應展預識平都有後思
昨於都試讌沉醉而還大卧熟睡日已曛黃
忽開眼有婢告曰洪鴻樞遣長鬚送詩二章
起坐一讀復就枕鼻息如雷婢捧起仍以筆
墨進督和之子曰宜報大醉婢曰長鬚云今

者不得和詩而去受鴻樞苛譴復來者改為
如此不得死且不去矣彷徨立督予大笑曰
古云酒令嚴於軍令今知詩令又嚴於酒令
也亟命張燈急就一章問長鬚則已不得詩
投淚而去細君詰曰以子不詩責及長鬚子
如不飲飲當不醉子如不詩詩可不作每見
子中酒過醉苦吟撚鬚予甚苦之予甚苦之
曾未見一益反受奴隸之責小腸不如不飲
惡詩不如不作僕曰然相對拊掌一笑乃吟
一絕錄呈左右幸同與子深一笑

誰識酒腸淺自知詩料貧大醉逢妻諫苦吟被僕
噴撚鬚難得句拭吐不須巾相對孟光處呵呵一

笑新

次洪日休登馬塲樓韻

地靈人傑儘風流
勝日同登百丈樓
白鳥無情背人去
青山有力挽吾留
晴川芳草漢陽樹
桂棹蘭舟赤壁遊
莫笑南宮先醉倒
天崩地拆也無愁

次韻吳居士見寄

既雨晴亦好
山氣轉霏微
竹色遙連桁
苔痕半上扉
斷雲初薄薄
斜日更暉暉
杜老詩偏興
鄰家問不違

吳居士又寄詩云甕中有蟻常思客
復次以戲

朝來小雨隔窻櫺
錯認糟牀壓酒聲
急喚丫鬟供

一酌老來雙耳不分明

曾向西鄰醉幾回
百杯轟飲響如雷
甕中有蟻知無恙
更辦樽前一笑開

復次吳韻

午眠纔罷倚疎櫺
寂寂東軒小雨聲
一頂烏紗慵不整
石榴開遍透簾明
青蠅多事繞千迴
復有飛蚊急送雷
夏日苦炎兼雨害
世間無處好懷開
細雨廉纖洒曲櫺
池蛙兩部鼓吹聲
日長無事開窻坐
一朵南山照眼明
健如黃犢走千迴
南北奔馳疾似雷
白髮即今高萬丈
歸歟三逕幾時開

復次吳韻二首

何幸逢明聖誰能賦險微少年陪紫闥晚節憶黃扉
事業旂須紀功名史可暉男兒當努力莫使壯心違

漸知宦情薄轉覺世緣微老矣慙樗散歸歟問竹扉
高情陶靖節佳句謝玄暉寂寞人間事如何巧作違

賀洪判書讌對馬島賊帥平茂續詩

東漸文教洽邊陲政值明良際會期文武一身兼
將相封疆萬里鎮清夷上樽示寵懷殊俗甲第開筵
樂盛時最是太平真氣象只堪圖畫不堪詩

姜領議政挽詞

黑頭登相府勲業盡雲臺鼎鼐調羹手經綸濟世才
人間亡一鑑天上落三台無復瞻山斗那堪為國哀

苦熱聞子固新開茅宇於蓮塘上乘興欲訪病甚未赴因吟數絕

三伏無從得一涼漫膚多汗火燒腸似聞池上新開宇
晝靜風微菡萏香

君家庭院百花盆次第相開各自春我獨愛蓮將著
說瀛溪真箇是前身

吾家小甕最堪憐新葉田田疊翠錢從此不妨期
遠大花開百丈藕如船

翠蓋紅粧擁一池猊山居士有新詩古今絕唱誰

能和直待花開傘雨時

金頓叟借北征日課久不還又期以枉臨不
至肆述卑悰錄以四首

走馬燕都路四千如今端坐思悠然江山歷歷篇
章裏驛館依依夢想邊禮樂中原全盛日人才東
國太平年欲將行錄為家乘不要詩名萬古傳
上國觀光利用賓慙無所得報明辰腐儒勲業如
緣木末路功名似積薪四海聲名皆俊士一方孤
陋是何人當時萬里詩為史寓閱時時可暢神
有約經過負好期從遊漸覺減前時君應已著絕
交論我獨長吟求友詩老去情懷空跌宕病餘身
世更支離雀羅門巷無人到獨坐書空有所思

鬱鬱心懷不自聊塵編時復閱皆塵七篇孟子皆
迂闊一字春秋備貶褒杜老何妨希稷卨留侯終
亦勝蕭曹雖然萬事吾休管只喜新醪滴小槽

再寄子固

新構華亭特地涼南薰陣陣沃心腸荷花十頃明
如拭盡日閑吟擁鼻香

淨植亭亭抵死憐大如甕盎小如錢日長無盡憑
闌興更欲風流泛畫船

碧筒誰使大於盆有酒澄澄灑似春已判月明邀
我醉可無纖手為扶身

雲錦離披蘸碧池香風細雨恰成詩淡粧濃抹無
人解政是楊妃欲語時

子固又期以蔡子休一菴上人同遊龍山江
喜而有作用前韻

人情翻覆逐炎涼世事關心欲爛腸
幾向西鄰謀我醉藕花無數滿池香

西湖勝槩最堪憐明月清風不費錢
有約故人乘興去白鷗青嶂泛蘭舩

長天如水月如盆漢水風流憶去春
天地無窮江不盡一生長愧百年身

不必風流讓習池高僧酒伴捻能詩
南宮有客何嫌老妙舞狂詞助一時

送李司藝

繼孫

謫熊川二首

名宦多榮辱嗟君數又竒潮州行
躉屈宣室召非

遲禍福寧知馬行箴欲問龜那堪
深病骨惆悵阻分離

南州竒勝地一謫亦君恩鵬鳥何須賦
鰲魚儘可文鳳闕環應賜熊江席不温
躉時離別事聊復慰慙慙

苦熱朝罷起賞蓮之興寄子固

烈日彤雲韞火爐朝衣纔脫汗翻珠
扇風無力勞雙臂簟水宜人托一軀
苦聒蒼蠅眠未穩若思紅藕氣全蘇
却羨西隣隱君子北窻長卧傲軒虞

昨承小簡仍賦一絕戲子固且自嘲

少日青樓意氣豪掌中纖細楚宮腰
文人自解箴樊素詞客何妨愛雪濤
巫山雲雨休嫌惱蓮沼鴛

齋苦見招誰道殘年能畜妓東山寂寞已雙毛

十一日夜與吳居士蔡子休同訪子固家賞

蓮聯句遲明還家有作錄示吳君并寄子固
有約同隣携手來荷花月色兩佳哉誰能解著瀟
溪說我獨頻傾太白杯醉後談論霏玉屑坐來天
地認瑤臺丁寧有罰依金谷滿座詩成霹靂催
垂柳陰陰拂面寒一時人倚玉闌干誰家長笛穿
雲響是處絃琴滿座懽風生竹簟龍鱗細酒酌荷
簫象鼻彎月落四更將秉燭風流佳興不闌珊

再和日休詩韻四首

早歲頗聞道殘年欲著書
膽會當日大才比古人
踈誰怜窮杜甫自笑渴相如
屋漏還無愧何人敢

悔子

種種頭添雪便便腹貯書
詩因窮必好酒亦數斯
踈道直餘何畏家貧且自如
平生有知己生死不

辜子

我無隨俗態客著絕交書
垂老功名誤平居禮法
踈世情聊爾爾心性頓如
如寂寞茅齋裏幽禽苦

聒子

有意一中聖無心三上書
風流真落魄潦倒更麤
踈世態愚難料人情懶不
如回頭三逕菊渺渺更

愁子

再用前韻寄子固子休吳居士三君子二首
荷花開遍暗香來明月清風亦快哉
客子多情携

杖履主人滿意且盤杯人世誰知有蓬島醉鄉終
必勝雲臺從今準擬開蓮社白髮難堪故故催
幽幽臺榭水晶寒一點紅塵勢不干花綴無心牽
逸興月如好事助清歡風恬玉沼平於鏡簾捲珠
闌曲似鬢髻乘鸞遊上界仙人環佩響珊珊

又用前韻

歲月侵人得得來殘年懷抱尚奇哉何妨長祝劉
伶甕寧復潛酸子羹杯身世無心營兔窟功名有
路上麟臺賞蓮剩得西隣醉却怕詩成擊鉢催
十載鷗盟愧已寒何時歸去老江干羹芹膾鯽真
堪樂把酒持螯亦足懽南沼蓮開雙臉渥東山月
出一眉彎至今未報君恩了閭闔朝朝玉佩珊珊

子休有和復次

百歲光陰鼎鼎來悲歡得失兩悠哉無何鄉裏無
何飲有限生前有限杯塵土縱然迷宦路雲烟長
為護漁臺十年辜負江湖約青鏡那堪白髮催
何曾立志變炎寒交道初非以勢干別後三年成
邂逅燈前一夜說悲懽孤山倚立屏千疊灣水縈
回玉一彎恨不從君卜隣去十年冠劍漫珊珊

又用前韻寄子休

北牖清風一陣來岸巾老坐快宜哉窮愁杜甫詩
千首渴病相如酒數杯茅屋何嫌同厦屋釣臺終
不讓雲臺悠悠人世無窮事日月跳丸瞥眼催
夏燕秋蟬換燠寒天時人事動相干荷開北里約

同訪月白西湖期一懽細柳轉腰輕嫋嫋遠山浮
黛曲彎彎誰知子固琴中趣玉走金盤響更珊

次日休詩韻詠蠅四首

營營何事集毫頭拔劍無端怒不休止棘已聞詩
所刺誅奸恨不入春秋
徧性區區謀口腹黃昏得意亂縱橫可憐貪不知
幾早畢竟端能誤爾生
尤忌由來是赤頭尋香逐氣幾時休性能變白能
為黑胡乃春生直到秋
憶昔盤中夜五更旅窓新月一眉橫通宵苦被肌
膚噬有夢如今似隔生

申左相所藏景愚瓜子圖

宜瓜何地是東陵渴病思歸苦不能今日依然圖
畫裏令人頓覺舌生冰

題禮曹壁上畫雀

愛爾由來羽翮齊區區不用一枝栖長天去路無
窮盡恠殺年年向此啼

次麻川詩韻

又見新秋節那堪苦熱時引風開牖數愛月下簾
遲瓜子黃金顆尊羹白雪絲偶無公事在細和故
人詩

又用前韻

慷慨思前輩迂狂愧一時壯心空濩落浮世竟衰
遲已矣身如寄居然鬢欲絲有懷誰與語獨坐強

題詩

昨訪淡叟于第設小酌令子石麒麟行酒又命小娃彈琴盡醉而歸明日又作詩以寄詩中有為州養親之志而望予吹噓謹依韻以

酬

不辭剥啄叩君扃倒屣忻迎有客經驥子傳杯眉目白念奴彈琴鬢青清談今夕逢王猛高士何人似管寧四十二年浮世事相看同甲髮星星當時同榜共聯名出處窮通只此情鮑叔自多知管仲揚興空復薦匡衡行聞北闕分符寵喜見南州衣錦榮自斷此生能取舍為忠為孝兩非輕百年光景度悠悠尊酒相逢又一秋故意重論頻

刮目新詩尤妙欲低頭中年齟齬吾無計晚節飛騰子有謀杜甫窮途宜仗友紛紛餘事不須愁

再和前韻

多時歸夢到柴扃萬事如今已飽經衰鬢並從人眼白故山長與我氈青世情翻覆雲為雨物化蒼茫竹已寧惆悵同年幾人在年來落落似晨星舉舉青雲早策名離親仕宦十年情西京文健稱班固南國才高數士衡我欲吹噓力薄君能揚顯足身榮分明昨夜萱堂夢五馬翻風彩舞輕年來心事大悠悠犇走紅塵兩鬢秋豈有才華能頃耳每從豪傑暗垂頭心性胡然為物役功名已信與仇謀可堪垂老踈慵極擬學張平賦四愁

題青山白雲
為報烟霞與鶴猿年來不必枉移文我今已決歸
來計先向青山禮白雲

三和淡叟韻

日長無事閉幽扃花木繁陰小雨經髮亦已因公
道白眼曾不為俗人青敢要虛名傳碧簡也須高
興托黃寧吾衰已甚嗟何及如子斯文是景星
文字由來僅記名交遊我輩獨鍾情蒲朝賢俊皆
騰價一代熙雍欲迂衡誰數詞章窮杜甫自憐經
術老桓榮何人獨有蒼生望出處寧非係重輕
百歲吾今已繆悠何人皮裏有春秋功名政似食
鷄肋世事真同探虎頭語不識時無所適才非經

國更何謀最憐鬢畔千莖雪半為吟詩半為愁

次麻川暴雨行

大風捲地從何來黑雲閃颼飛狂雷揚沙走石雨
翻盆滄溟震掉天柱摧俄然天地洗昏濁六合如
鏡無纖埃安得乘此大風挾飛雷一往倏忽尋蓬
萊蜚昇白日駕笙鶴下視濁世同壤培我今汨沒
走塵寰兩鬢已白雙脚頑行當試此囊中方萬古
獨立留朱顏

昨訪李次公于茅詩以為謝次韻

倒屣相逢趣已深何須興盡返山陰新詩酷似唐
人法妙筆渾如晉帖臨世事百年曾破膽交情十
載細論心一生鉉藪吾何用撚斷髭獨苦吟

自慙牢落百年身，吟面狂言已忤人。有句時成能泣鬼，無錢可使敢通神。閑揮亂筆杉翻墨，悶閱殘編架拂塵。醉後時時雙耳熱，人生是處豁天真。

再和二首

珍重斯文骨肉深，悠悠十載度光陰。詩成日或來相問，酒熟時能許再臨。邂逅少年慙素髮，蹉跎中路豈初心。無人識得曾中趣，獨坐忘言擁鼻吟。自幸登庸逢盛代，分明出處似前人。封倫可使論仁義，宣室何曾問鬼神。輔國力微頭滿雪，歸田思切肺生塵。功名至此猶知足，丘壑從來我性真。

四和尹淡叟韻三首

金鴨銷香晝掩扃，分宜皓首坐窮經。生前雅興宜

浮白死後虛名愧，汗青排闥山光長。偃蹇近窻鸞語太，丁寧腐儒迂闊雖。無用喜見文明聚，五星敢以踈慵學釣名。百無一事稱人情，明時竊祿慙擣櫟。昭代掄才有鑑衡，老去文章多落價。少年侍從濫叨榮，平生出處誰能斷。富貴浮雲利勢輕，虛名薄宦兩悠悠。蹭蹬浮生四十秋，輔國才疎長袖手。逢入氣拙敢搖頭，東馳西走從人笑。莫粥朝饘與婦謀，縱有惡詩難遣興。醉鄉何地可埋愁。

五和淡叟韻三首

石田茅屋掩雙扃，三徑依然夢屢經。酒自天然入面，白山多不俗。佛頭青，英雄一代皆遭遇。邦國千年致輯寧，自愧小儒無寸効。丹心耿耿拱如星。

少年自許策時名中道蹉跎豈素情三策曾聞勤
董子六經終不負張衡山林長往思難得軒冕多
時敢冒榮四海百年知己少人生然諾不宜輕
身世依違歲月悠由來騷客苦悲秋休論世事魚
鱗尾自有人情烏白頭兔窟不會營老計鳩巢堪
笑拙生謀青燈昨夜同庚會相對樽前說與愁

復次李次公韻二首


寂寂幽廬歲月深老悟分得主窻陰慵鉤踈箔青
山近閑讀黃庭白日臨十載功名探虎手一生湖
海狎鷗心人生行止寧非命貧病侵尋白首吟
年過四十豈非老客有相從皆可人東野多窮詩
作崇伯倫乘醉筆如神書生計活家無覩國士清

蘆花有塵世態翻雲何足數到頭事事恣非真

冬至

新
一陽夜半子萬物天下春梅花枝上易相對一笑

四佳詩集卷之九



四
有
言
身
九

二
一
一

